

寶雲詩集

寶雲詩集卷四

積雨編

漏霜南潛著

積雨限韻

濃墨雲痕蒼弁東  
昭潭響石夢還同  
水堂面面聽鳩婦  
涇樹灘灘叫郭公  
遲暮青藤難甲拆  
驚疑芒種乍壬逢  
天隨艇小茶煙壓  
爲報松江蟹斲通

檐頭歷歷燭頻更  
耐把清聲入句評  
水遠四窗鳴北渚  
風掀萬卷冷南榮  
爭誇雨點如飛翰  
借問雷車可佐耕  
屏上西江路迴折  
茫茫指點未分明

小屏風上西江路  
宋人語也憶初子

雪舟未  
歸故云

寒玉琤琮水一廬  
上元聽到月重除  
早知花木同黃土

悔不田園盡種樗杳杳情懷荒古上昏昏永日小年如  
摧頽賴領雲山祢耐得風窗亮榻虛

清渭無情只向東那知苔雪感懷同谿塘波擲分魚子  
野廟灰寒惱社公石鼎詩聯人黯黯桃花村冷鼓逢逢  
茅齋也想名安舫浩蕩從教四壁通

蘭葉詞

新晴日  
創體

木蘭櫂放看蘭葉蘭葉蘭花青可憐淺青深綠兩依託  
春風駘蕩花葉鮮

春風綏綏吹葉開花身側開吹轉來來與水堂主清供  
讀到樂府臨高臺

日色淡淡上人衣漁舍落落開水扉水扉蒸成菌釘紫

紫芝青蘭雙鶯飛

雲林墨冷一條冰分來詩鐙入畫鐙鐙傳無人古香歇  
春山出沐水雲蒸

白兆來續積雨詩復用其韻

暗助文章雨最賢古來傳是鍊詩天靜依樞几憑來聽  
游恨春山記少鐫浮去詩瓢誰得價淹將石菊不成錢  
風光冷置黃磁斗蘭到更深香自圓

捧鈔煎茶想舊賢漁樵風氣沒鷗天青堆波浪山同疊  
淨洗琅玕句好鐫錦繡段看江面綺龍鱗紋點樹身錢  
思量畫譜梅花法鐵榦冰枝冷識圓

胎簪居士扶病訪余病中季姪侍而至時許君

同在坐許舊受業胎兄深醫學

身要人扶氣未銷鳳鸞清嘯集船寮谿通綠漲侵門水  
柳未豐垂蓋舫條隱有韓康稱弟子游期葛鵲作雙樵  
水軒遣病連縣話興似錢塘過午潮

茅屋墩

圍潭最得蒹葭意四五里推茅屋墩更無橋板水中接  
指點鳥寒飛過村放眼樓嫌三面閉半枯松說六朝根  
經箱扇面題牆字春雨茫茫暗墨痕

菴有先翠榆先生詩并白華樓前輩

諸翁遺墨

乍晴

村裏獅看霽雪中平橋二月又垂終波晴鳥下呼雙浴

花緩藤先試小紅最後番風門口棟乍相當景屋西虹  
青苔上桁衣痕綠淡日移同細草烘

觸眼江湖碧一叢樹中帆葉影西東風揚絲網船還歇  
泥上桑園屐未通洗硯鳥隨沙際立抽詞蘭取調相同  
菜花減莫頻惆悵老眼看償霧裏紅

初晴日芝筠過水堂

此政曬蘭葉汝來閒共評浮吹天末霧耦話郭西耕詩  
味雪谿水游心少室行相持病船子小住聽餅筵

病中寄訊香谷代書

春蘆透筍一湖綠噴雪浪花吹到籬布兜著肩黃面子  
挂了後窗閒坐時

雨後詩

山門口蕩未成穀數里外松先作濤病起儘辜新雨色  
衝風難與撥輕舸

午晴

時讀王荆公遺事

蒼鷹翅摩霄志取在塵土誦書金石聲竭力叛鄒魯畫  
眉悅初晴宛轉呼樵父呼之何爲爾巖花開日午

竹浪詩念鴻不返也

兼樵直鳴歸自言悟竹浪尋名領空際乍得意所向風  
鋪綠參差聲至各清放路轉激寒鳴渺渺江在望因之  
念秋鴻遊蹤煙水上

四月十七夜焙茶

亦略近煙火終於山水親清夜盡浮質寒峰生遠神晚  
知書畫益心向此中凜氣候分深淺孤懷誰共陳

寄香谷在於鴻雪

寄聲賣菜船問汝碧蘆天身住惠崇畫貧居神鼎先山  
水癖類我高譚清尙然錦谿三十卷寫就放人傳

六月初晚熱有作

溼雲閣雨一堆頑逼射斜陽少樹環耐掩水扉三十度  
隔谿秋蓼喚看山

清曉草木香陋近學也

清曉草木香谿窗動書葉古人不能言清風聲獵獵黃  
河跋扈行漢後幾迴摺誰能導安流丸土功難貼江村



困枯槁永夜勞歌法浩浩引憂長高言廢陳篋

桐

含霜吐雪韻蕭疏洗出新青宿雨餘落影四窗全慰我  
當頭明月最關渠祇言小坐題詩益不負先年帶雨鋤  
安得化身千億本濃陰冷盡水邊廬

詠核桃

風吹皺浪玉崢嶸五岳眞形就裏擎腸日九迴愁結聚  
心經百折路縱橫髓疑王烈餐來石地記張騫得處名  
乍澀齒牙休擲棄從來皮相失丹誠

雲谿

柳動拂煙條風揚暑新退雲影與漁謳共落晴潭內

寄王公範

松底陶弘景瓜圃步子山古人還未墜清事喜相關密  
綠市聲隔空青鳥跡閒能來釣潭否雙炤共秋顏

祖弓至補船渡水不得立沙際久之

隔水看同沙鳥停斷橋秋霽樹冥冥呼將漁艇風初急  
影落蘋絲袖半青

小雪第四日寄金孝章

燭下方瞳綠猶鈔夾注書松窗興還爾藥杵定隨疏得  
報江楓赤憂羸掩戶如白頭悲兩地難共看山與

挑薺

清作碎冰聲北風吹岸草草中薺葉蟠綠若秋水藻含

膏味深匿鬱秀貞自保所惜取卉凋不其歲寒老誰能  
領其眞警彼性靈天

冬夜

歲殘作惡舊情悰病感衰涼又一重淡墨昏昏煙入夜  
枯絲索索柳垂冬村緣船補偏宜水霜爲菴名一倍濃  
我就西峰此誰賞蕭寒閒殺好谿容

秋岸兼樹歸自西荒

文章造微一合一離山情水性可喻而知我去西荒四  
換柳絲如嗜茶人輟飲長思分甘易合茹苦則歧荒何  
可愛窮寧共持彼二子者殆違于時

湖上秋遂來漏霜夜話

枯樹婆娑乍飛動相遭歲寒潯水西忍來一載言尤旨  
坐盡孤鐙氣未低句到饒歌愁讀破詩輕小序抹前題  
感懷不獨詞場墜祇說詞場意已悽

題研農畫扇二律因馳遠懷

好詩關鍵透入畫面面空濛筆筆涼紅淺微陽谿候變  
青深老葉嶺陰長游程得句秋心古茗會留僧野語香  
草蕩舊期經歲改屏園人又在西荒

詩成不與公卿見清致當年愛石屏

戴石屏題徐京伯通判北征詩卷不

與公卿見徒爲篋奇幾個稻畦袍者在庶幾敲鉢句同醒廿年

離影樓中望一簇秋聲扇裏聽南雅思君作模楷要看

東晉舊黃庭

潯上門人有南雅之刻附求吟卷

病中得人穀悟雪齋詩感詠迴環簡羽南居士  
病逢故人得上藥老追昔游眞隔生高文閱世聲猶定  
大雅傳家調未更阡陌忘來山格遠歲寒悟後雪香清  
重尋不惜蹋漁路柏子一鑪煙篆橫

霜樵從洞庭來

亂水輕裝正及晨一湖霜色驗清真身當殘病看逾冷  
句到隔年提更新稍廣異聞思晉帖笑經迷路合漁津  
敘來行路難深苦樂府懸知筆有神

趙拜石結苕谿游想病後復寄

心馳草蕩通遠夢圖挂長蘅空臥游山水書畫情一種  
收藏鑒賞難並優折肱成醫我安信藥杵經秋疾未休

側聞天隨肯放艇枯葦寒蘋煙彩浮

清絕茗谿艇又移西湖一角遠天垂巖腰去試登山腳  
麋眼重編灌藥籬招隱風吹飛葉信卜鄰話擬翦鐙期  
簇新縹緲冬遊記定異前頭草蕩時

題畫

蒼然古風氣老樹秋崖得夕陽宛轉情與他好顏色

書黃葉老人少時事

金明池頭初負笈梅花一株破窗入橫斜數尺掠書籤  
坐不翦除如熟習後來一寸黃葉集依舊冷香清獨立  
深夜看天眉作題畫詩

吟路躡天半如支入嶺藤鐙光靈句采霜氣峭衣稜涼

遠果深味浮華定不應從知老船子篙足慣敲冰

茶花

寒煙結古香不肯離崖石誰能受塵土搖蕩東風陌東  
風吹桃李不及巖頭茶巖茶避眾芳歲寒矜素花花亦  
不同妍香亦惟孤許同妍自成谿孤許誰赴汝

憶昔

憶昔西荒始落帆風力健盤雲敲寺門枯草霜一寸轆  
轤下佛火茗汁夜中勸堂空受嶺色寒綠發高論人影  
淡三更翦鐙花自噴

冬村野雀謠

野雀不知讀官歷暖日晴雲春至的櫻桃卸葉枝玲瓏

相喚枝頭啄花喫我謂雀方今歲寒明朝凍樹蹋不得  
頃刻晴光好把看

夜及半聞寮中揭書葉聲

青松與黃土未葬古人心新意陳編得孤光夜刻深味  
同烹曉汲路似訪高岑遠嗜不能已自忘霜力侵  
因靈珏末有南雅之刻簡篋中新舊詩卷

詩人自昔稱餘事南雅從今定古聲口碑歲晚徵文行  
吟軸鐙前半死生雁影寒潭思萬里竹梢晴雪灑三更  
遠心如許寒如許不放鍾嶸浪品評

細雨中兼樵往石屏取藥器

未憎沾袖雨要沐過船山寒綠貌非昔輕煙飛甚聞去



與谿光別看隨藥竈還幾家舊樵社離合尙相關

墨盡

漆無一點益詩眼惜著如金思畫評浪得谿山扶杖手  
沒銷磨處只閒行

憶先師每深秋過澗上輒命竹輿曉至堯封促  
潛同行從靈巖後山路折入先師棄潛兄弟此  
事長絕甲寅冬至前一日泣而筆記他日寄昭  
法讀之其愴然也

後山秋訪路紅樹兩輿行入戶舊峰對坐深寒靄生逸  
事此堪畫孤懷聽世評人間徐孺子隔地一吞聲

萼花

端午前一日初子采萼  
銷憂灣口得萼花歸

所尙在清柔離塵自高韞減樣碧芙渠涼房斂尤謹沈  
冥煙波中亦足名香隱寄言譜花人豔卉何凡近

蒲扇

能使山堂夜江湖風浩然分將持釣手重引浪游綠色  
隱前秋綠涼搖別浦煙何須玉柄塵坐握冷高賢

與諸子雨坐

未必暑全退眼憑藤架秋透磚驚逸筍下幙倦空鉤富  
各說山水貧惟缺一舟勸游新雨點飛綠小軒頭

齋後出坡獨行殿角

渡湖雲緩去未去蒸花日薄閒復閒人聲淨盡雙鳥語  
一尺東檐豆綠山

寄壽鄭桐菴八十

廢詩頂切壽詩禁破例桐菴寫壽詩三十年深箋得易  
一千仞峭樹無枝耐煩眼明足磊落如此谿山要護持  
澗上前月寄聲我破除畫癖遵其師

葡萄架

打眼溫家一幅圖水雲潑著墨模糊相期明月含珠子  
亦有新涼到老夫鬧葉鉤成顛草法濃陰錯把綠天呼  
青藤不要愁孤調潦倒題詩點畫廳

爲青迴作野表堂詩

古人去不遠天地留其野夕陽山外山亦昔能言者風  
吹縹緲峰峰樹綠瀟灑頗思開野堂遙心幾迴寫誰能

立其表老葉看秋赭

出坡

樵作水聲裏高林冷曉坡蓋頭雲共路灑袖葉無多提  
著古人話一迴崖石磨誰家定僧史荒外取新科

樵得芝草

若使終藏得從教百尺長浮名浪成瑞古路不辭荒一  
吐樓臺氣安身怪石旁西山足遺跡四皓舊篇章

僧從山足來復得一小芝

亦壯草堂色欣看子母芝文章幸無異風雨共寧辭異  
紫待才老爭奇此一時晒他眞誥裏只作躡雲思

得靈巖僧兄書

參差湖中峰鬱鬱綠相連相連亦相望不忍長棄捐孤  
峰煙以南孤峰煙以西兄弟同一根各峙雲濤間此夏  
五端九天上聲鏘然孤心託平昔紙短意那傳況復恥  
雷同懷匿不敢前

北宋惜古逝法書幸猶傳先師起其衰躋躅思後賢我  
欲竟此語鯁塞不可宣知不惜語少不知墮秋煙安得  
一執手泣對滄浪天兄能知我者我亦心相懸

吹鐙讀兄書鐙暗墨彩鮮各永山水心銷此華髮年書  
中道西荒荒遠任絕緣便從靈巖始荒荒安足愆捧書  
讀三歎兄能知我然

翦落日嶺至松篁鳴夾路草爲閨月課

輕雨濯樵徑永日秋心生餘雲作山影蓋我松中行仰  
嶠遺事佳刈茅人浪評西荒領諸子古韻欲一賡何必  
落子聲石路如紋枰懷高絕勝負灑耳幽鳥鳴樵客所  
不避小立村語清村語荒故好村煙夕尤明

風雨中立寺門

嶺頭落日連朝斷鳴裏松篁儘意吟籠煙樹惜留枝果  
冒雨巢悲哺子心

資慶寺

泉聲與木葉併作寺橋寒銷夏到門得前溝更路盤濃  
陰可留坐破殿黯相看乍似峽中日傾崖一角丹

拾松子

百尺歲寒心蒼然在其子不惜墮塵土嶄嶄經石齒伊  
作仙人名胡爲蓬蒿裏伊是仙人飯行蟻安可擬

面面峰

縹緲若花蒂層高始此峰一規攢瓣綠數匝亂煙重山  
水轉愈妙游心秋倍濃芒鞋任南北葉路那尋蹤

松篁鳴

信是歲寒侶同心不棄捐雲留乍生白風激亦成連僻  
稱清音度春歸眾木妍何曾但岑寂涼雨鬧飛泉

枯樹根

千年之上古風雲飄忽酷裂無一存欲知其狀問枯根  
石如蟠龍蒼根走其中白日西下嶺月如水下視百世

如層谷底後不見我髮脫無已

題壁

垣石裂春冰西照射不消短草如老髮羨彼青綠饒古人不慟哭百世近可招寂若無後鑒焉令神氣超

讀長江集題皇甫荀藍田廳句云竹籠拾山果  
瓦瓶擔石泉

落日遠青來相去三百里餘雨作湖煙煙村蕩秋水遠青與近青離合不相似煙水合村光詩心幻如此詩人與廉吏一淡同其旨孤往得清宗所遇咸足喜

四皓祠

煙水卽遺貌荒詞高樹根支門憑石鼎典譜有樵孫合



坐未孤立野心隨其論寧須繁俎豆柏葉古香存  
喚得石公起應成五老人此中來避漢商洛向逃秦角  
里偏饒跡梨花作素春其餘三隱宅喬木豈終淪

落日嶺

往往祇叫絕作詩都未能此回遇其淡尤喜峰如澄到  
眼別州綠淩崖隔鳴僧秋新眺宜遠約上最高層

采秋茶

秋心吹亦遠綠樹圍不住所悅雲泉涼同味得新慕衣  
仍春焙香鞋已飛葉路崖荒日多承草木自爲度

浮家好

寄箬廬居士

浮家好西塞山頭江月小道士欲前花浪青苔谿縹冷

苔花繞在此在彼綠蓑衣蓋船頭得山便了賴滔滔大江之水將讀書眼目洗教清世間志書上一行兩行分科夾註此生不復到刺頭索其分曉當年江上漁郎隨我侍埽葉老翁湘船桅下祖孫父子拍手高歌此樂人間更不過西荒人老短髮白其五六一船何處渺渺秋鴻相視無言聽曉鐘經心尙有張墩如此風波不可行此中七十二大青大綠一高一下未必勸西荒截流而去老不强自作主聽青山語當年好淩駕漢饒歌作古樂府荒荒老不復能爲製得船歌不今不古伎奈何只爾寫付洞庭樵子爲余馳寄箬廬中人笑讀柴門裏

曉起見藤葉蓋地

涼鳥唱朝煙亦作春林鳴蕭條墜秋綠一一金石聲志  
士扣中懷歷變節益明西偏嶺口缺東偏崖勢縈斜月  
白在地墜綠相與清同途信所樂異亦足相成

蒼舒居士來落日嶺寫余病影作短歌更索畫  
漁舟圖

秋心遠放華亭水少個漁船載船子蒼舒詩畫志和才  
楓葉蘆花涼滿紙筆牀廢置閒更閒松子一籃茶竈間  
煩君撝撥篷窗口袖手衝雲看曉山

九月廿四日與鴻子坐西嶺平沙作絕句一日  
黃葉之詩

斜陽黃葉互深淺沙腳坡陀倚坐低石上且看雙影在

老來孤字最難提

出西湖履積雪至落日嶺作詩別之

遠嶂如睇人孤煙不能合別非道里長思其寒波匝望  
望龍攪松耿介立窮臘無情亦傷離誰言嶺無答

東嶂

東嶂緩初日躍出試朝采殘雪漏濃青山容乍微改窄  
屋傲漁舟亦足蕩煙靄蹤知幾日留待此梅花蕾

絕句

一匝屋頭山翠溼兩廊埽地葉聲乾豕間樹下風現在  
華表空思鶴語寒

栗葉謠

栗葉無文章疏挂猶八九風霜見相摧相視思相守

鴻讓侍樵堂

舊影寒鐙下行書又解囊閒提十年事憑藉五更長灑  
雨倒如葉危崖複小牆茫茫花海裏春至一扶將

糊窗

幅幅凝霜炤格裁樵堂飛不到塵埃白雲莫訝苦相拒  
清曉看山我自開

鴻述毘陵有孤龕峰頂者

裁受蒲團屋一間單丁敲火四圍山松聲冷峭天風肅  
吹得銜花鳥倒還

名西軒曰半篷

四窗翠暗半蓬霜六幅青蒲不遣揚玄眞箬笠天隨竈  
更載蒙茸蠹紙箱

從今不用繪華亭收拾絲竿靠紙屏只似停橈夾山漾  
玲瓏山鳥一叢青

凍雲靄乃似漁家卻怪樵裝出澗沙澤國魚龍寒寂寞  
一林頭角露槎枒

寒江釣隱雪消時繫在蕭梢栗樹枝手補蓑衣待春雨  
石鑪松火饌蓴絲

冷雲瑣碎漾書籤東嶺浮來月一簾山鳥報更林影墮  
滿牆藻荇又新添

半篷新唱少人賡煙水從將鷗鷺盟還到鴛湖訪巢叟

乞他苑種製樵笙

語嚴方洲

綠隱易成陰人間尙斜日高談且安坐畫品論未畢雲  
間那可輕古路清不失畫格以言書南宗定無匹山水  
似論交以淡爲其質書畫如山水遠心無近筆

樵止除夕

過望三間屋餘年退院僧耐敲寒石火受理凍花藤山  
喜名非噪東石澗一聚峰巒未得勝概名故靜游忘具不勝樵堂春病減  
扶入亂雲層

曉挈鴻讓瀾上行名其澗曰菖蒲石流

丙辰元日

石氣潔寒暉雲根壽青骨得竹之高操九節老突兀香

得松之冷空明泉洗發天地間眞氣結集那可沒行行  
繞霜澗清語動毛髮石流與佳名配立梅花碣清羸五  
十年尋藥行勃窣樵緣富仙餌寧獨山水窟詎余世棄  
捐造物未見忽昌陽聞辟邪醒目功並勸小立思其故  
契理安用咄邪穢若采愚苦障不可揭俗遣眼清空登  
峰觀溟渤同功自雙詣樵雅添新核

近思作一  
書曰樵雅

### 乞藥

平原帖裏說千煩淡悶重將乞字翻祗有名山容我病  
又緣草木扣人門穿雲尙少沿溪獵獮洗藥還思挂樹緩  
除了菖蒲出東澗按方都在亂花村

### 乍暄



東風敗雪意梅開出非料夾以臘前花花氣雜而妙連  
朝集樵社一置峰頭嘯減衣沙路輕林光轉青峭

半篷雪

只少蓑衣蓋居然釣影灘江湖連遠勢花事讓先殘豔  
在十分淡高分各樣寒懸知西白澗後日響飛瀾

種火

眾嶺蓋一綠雜樹無分暉寒雲裹山骨石火敲不飛青  
松冷無餒何以緩朝饑有待故爲煩種火良足依飛揚  
抑其性覆之霜雪灰孤光永山夜非以糴須臾

簾水

簾水抑揚吟屋角縹煙跌蕩過梅花書堆抽得山家歷

又說清明焙早茶

寒

雪白鑪灰火粒圓  
襌襌破衲試晴天  
東風的是無情思  
過盡春寒撲柳絲

吳語以久雨得晴爲試晴

黃栗留

黃栗留李花如雪  
桃花稠桃花紅  
雪李白雪栗樹留黃  
搖槁葉黃栗留鳴  
宛轉我歌不爲鳥  
名歌君自清歌幾  
舒卷黃栗留宛轉  
歌寄言千載讀書  
者讀書不在多休  
執名言徒自訛

蝸牛耕

石牆磊塊蝸牛行  
且耕蝸牛慎弗耕  
使石牆爲田不如

苔花狎獵垂青髯  
汝不見西家催租吏  
穴牆東家無田  
夜飼羊

落梅時傷耿菴

曾分寫書墨爲染  
暗香圖那得喚教起  
春崖補數株病  
前吟骨瘦城角草堂孤  
恨我不諳畫畫來應未殊

同青迴羽石澗洗菜歸樵堂  
卽事羽昨日冒雨  
至自江上

搜奇石譜拈松化侵早茶  
筐摘雨前還寫到門新結束  
蓋頭荷葉帶風偏

洗澗

舊傳洗泉法水果能洗水文  
石養清沙澄寒有深理遂

野欲洗澗荒言余所旨慎弗聞世人聞洗其耳菖蒲  
翦故叢石級排新齒廢書無十日功成壯樵史與汝共  
勉之況有寒谿子

遂野杉寄欲識小虎上

名亦分吳郡能無絃管愁出藍三白冷具體一磐秋樹  
欠圍行路軒宜像小舟相期終祕卻得免品題休  
上白中白  
下白三潭

橘香同兄至樵堂

不須重把燭識面眼明時合隱論交切彈詩罷茗遲心  
隨五湖曠雲共一山奇得此終鄰並梅花忍負之  
和尙與先師神交及來靈巖把燭  
相識面見先師斂天界和尙詩

松花

不惜作雲煙從風一飄灑最好晴月中微黃在疏瓦

半篷病中

病恨漁船製未成半篷風味又新更破除燈火耽書習  
憶著江湖聽雨聲日記空行填甲乙澗泉隔樹忖虛盈  
休提老後尋山興小虎正前久不行

秋遂至樵堂作詩漫和之

筆取溫柔想取寬江行緩出怒濤灘推篷乍喜齋如舫  
得路應嗟谷是盤紙葉飛聲忘著病鐙花報雨不勝寒  
句圖待汝團樵譜要就雙崖綠未闌

小茴香

似懸一幅墨暮雨亦落半崖清水簾取隔名花更奇絕  
異香寒翠巧莊嚴

枇杷樹

白雪耀孤豔眾花寒未醒吹香幸能永短晷若爲停絕  
壁射餘翠甘蕉媿舊青祇愁濃葉影夜蓋一潭星

敗絮

壞衲貧船子飄零鬪急湍蘋花搖篋屋雲朵眼絲竿片  
段各生色相連亦護寒江湖煙浪濶荆棘避非難

杜鵑花

豔質層層脫春衣葉葉風名沿曉鳥得情與斷蛩通怨  
永蜀天夢花分桃雨紅何當悟開落滅恨曉煙中

種菜和黃葉村莊韻

郭橐駝書術未尊賣花人似把空捫還將朴野王磐譜  
細刻平泉舊石根

圃學圍棋局道斜中央四角遞萌芽休疑漢武蟠桃核  
試看崑崙別樣瓜

秋花五詠和韻

雲朵瓏璁合闌裝一聲憑賴喚朝陽銘心絕品秋山下

珍重花圖說趙昌

雞冠花

斷雲嶺半送寒鴉孤嘯鸞音出齒牙阮生去後孫登杳

清氣長留作渚花

鳳仙花

天寶淒涼說未休舊人憔悴蜀江頭荒煙一片簾前錦

籬落還封夢國侯

錦纏頭

脫帽張顛草未狂  
軒軒華髮五陵場  
江濤意氣秋筵話  
帆葉垂風下馬當

老少年

曲終人在翠煙中  
雲母屏風隔畫櫳  
怕遣閒愁逐飛絮  
盡情遮卻斷腸紅

夾竹桃

殘雪

打合江雲淡遠岑  
鱗鱗漁屋曉光侵  
飄零天地歲華晚  
頓挫谿山惜別心  
難得幽琴傳素質  
感他白日是知音  
寒香嚼愛枝頭片  
不和梅花味已深

枸杞

聽唱昇天謠  
乍歇雲中吹  
聲仙館鄰泥蟠  
青城喜絕俗



奴隸華山非辱身黃菊連翩金石友丹砂瑣碎蓬萊春  
天隨宅荒不足歎一握頻看海外珍

蘿蘂

淡薄天資喜未凋書堂衣鉢素心饒俄驚切玉刀非異  
都恐峨嵋雪不消結角羅成文爛爛清風吹老骨蕭蕭  
相期判斷經霜味未許歌筵取次撩

雜詩

秋風試新穎吹雲作車蓋良苗仰其首乍與清陰會勞  
人百年中歲月安可賴一照憔悴顏漱立澄谿外

見張考夫舊鈔農書

幸脫文字習別傳田叟書山秋靜隴首雲物涼以舒翫

翠結魚鱗風吹度高榆芡盤話晴雨互來谿上廬柴門  
書月令不襲周秦餘我友古淡質未覺昔賢殊數行讀  
批後聲情如與俱

幻人銅印歌

千年銅花碧天色一寸形骸銷不得幻人出幻幻文章  
幻作披身稻畦式神工智短窮雕鏤枉將幻字安心頭  
不如空著頭陀腹放眼江湖萬古流

檀香百合歌

梅檀林空夢天古彈丸泥小香無主子山頭白樹婆娑  
地上槎枒老焉取千搖萬落秋茫茫鬱結古香沈玉髓  
松根入地浪百尺淺土幽心自風矩收起紅牙住金縷

聽歌百合移箏柱隔谷羞慚隴頭苦香豔輪囷好腸肚  
不信人間謗有書莽道前身咽塵土

白頭翁鳥詞

我心如雪君不知滿頭花雪君知之雪滿頭銅盤淚滴  
白榆秋心如雪思之只有千年竹冊天長地久無傾絕  
生無苦最苦相知少珊瑚摧頽雲絮老

看稻桥

夜不能寢聞田間  
桥聲作看稻桥

秋島乖龍鞭不發悲七月良苗沐雨青如髮今年活今  
年活不似上年八月禾頭沒今年憂旱上年雨吳剛何  
心斫香斧何不斫盡世間大山小山磊塊諸不平蚤遣  
乾坤坦如土人生有情苗有肚紛紛哀樂元無主謝神

祝神作村樂村舞零成縛臺閣水晶觀音金絡索何不  
緘藏行懼攬看稻拆更欲畢天漢不是黃河根只是萬  
古農夫淚血橫天出夜長情滿情安述

補船斧歌

補船村頭補船斧斧聲當當惱人耳惱人倍惱補船僧  
補船僧無船可補江南葉脫水拍天九峰三泖巢神仙  
華亭船子歌聲在只少煙槳相追攀裊裊歌聲浪花去  
後人筆畫前人處畫學生疏烘染澀準備烏絲募船疏  
釣竿手枯松柏膚如椎十指文章無不如隨順聽船補  
野鴨子浮菱葉鋪

得吳郡問顧云美亦逝

十年諸老盡塔影賴孤留至竟文章厄嗚呼金石休眉  
從經亂結藁定遠親收兩字浮家篆無人扁小舟

枯桑

不信曾含錦繡機祇今憔悴豔情微天風獵獵告殘歲  
田舍蕭蕭漏破扉語轉索郎清調別名參老衲世緣非  
愁心提到桑乾水擲躅并州淚一揮

白虹飲

白虹飲吳興風土田家禁田家小兒拍手呼瓦鼓銅槃  
聲欲噤天吳紫鳳那可見紙翦村旗揚素錦白虹飲歌  
未闕妖姿空借美人名隴首柔腸恣饗餐飲胡不向太  
湖三萬六千頃清江因扣湘靈影莫點秋原好風景

酬臞菴自笑一律臞菴舊有意名山遺蹟余以  
爲單搜古碑尤資核實感禪林之日衰傷異聞  
之不廣知我者希有懷其勉

南宋洞文獻搜奇待續鐙名山君欲遍幽事老偏能打  
盡古苔碣耿如秋玉繩書完放煙槩誇示補船僧

霜樵夜至時秋岸兼樹俱病臥水堂

弟兄失意團欒病道路孤危挾複僧雨腳絲絲銷茗盞  
世情黯黯對油鐙筍鞭倔強尋難著秋草離披翦未曾  
瑣事新晴還汝累放閒老手看飛鷹

傷兼樹

相見平生畢危端渡病身所期親一訣不是忘師貧語

暗同門受神閒瑣事陳猶翻洞山案末句轉嶙峋

讓臨  
逝余

舉洞山辨愚癡齋事讓已舌澀  
忽厲聲曰洞山如此我則不然

秋岸扶病返江陰霜樵同舟作詩送之

老眼模糊樹又開江上船迴翔同病話斷續住山緣去  
是逢雁路恍如聽雨眠弟兄吟穩夜提著棟磯邊  
江岸麗叢竹同行擬遍看誤人淡悶疾留著水堂寒遊  
子幸雙影頽牆搖數竿秋鐙尙知已對照一編殘

題桐丘先生破荷葉小幅

破荷葉煙林縈絆衲片圻老蠹蝕書退鮮碧零碎冷雲  
飛一尺水堂應有讀書窗誰惜波寒鷺鷥瘠鷺鷥秋饑  
羽衣白濯足肯留塵土跡吾聞之畫家逸品有時不用

筆染墨蓮房作飛帛此法元同顛旭格酒濡其髮髮書  
壁桐上老子倒用印寫出枯荷聲索索日觀蒲萄能合  
壁千年快洗丹青癖

蠶豆花謠

行田間見蠶豆花開作謠時十一月十三日也

枯桑脫葉乾槎枒禁蠶天隔三山霞舞風柳絮望不到  
灑落滿村蠶豆花南園蝴蝶無消息冷翅煙鬚款不得  
誰補田園冬日題采桑風味殘春色君不見鄰家海棠  
壓牆紅未闌草木于今不耐寒

村居

雁過村梢夜館空棟磯西畔篠林東榜聲續續頽牆表  
人語濛濛遠霧中敲落燈花閒擊節吹來誰鼓靜迴風



出情冷味全身荷記是堯封石澗同

霜鞋不信板橋通只坐茶聲輾轉中  
薛地染教天水碧雪花點破雁來紅  
病須藥品還沈種老廢詩郵不製筒  
提起青山徧吳越卻如凍草夕陽烘

長慶上巖法姪過訪

華山翦燭幾黃葉潯渚推篷我白頭  
補處水雲從硯石祖翁田地舊揚州  
長慶舊籍廣陵霜蔬一箸貧難匿竹簡千年  
業要留小待梅花傾底裏雪蓑敲凍釣船投

貽潘喜曾

各生西漢後觸眼非舊章相逢哀古昔  
把卷怨秦皇秦皇那足怨七國圖書散  
不見出震輪華山殘一半所以

學多歧決在英雄資三千年砥柱厭厭安以爲

風苦塵路黃吹昏洞庭影板橋袖書人不憚冰谿冷冰  
谿漁屋稠語短情未休安得盡高論吐氣青山樓葉打  
寒塘急茗在鑪中泣古人骨似霜歲寒誰獨立文章古  
有神鍾情須後人無情恨俗學章句集風塵

輔嗣談魯論析字解老彭老爲藏室史此義不可輕軒  
轅大神聖孔老道和鳴異端斥二氏俗學論非平天壤  
有遷史茫茫讀未明謬謂尊黃老凡例欲紛更

得靈巖僧兄書有感

卜居屢問知漂泊送藥頻煩冀永年片瓦無來行已老  
千峰夢去苦思船室中夜半當時共歲晚天寒心事連

安得掀篷石湖尾從頭傾與老兄前

夜間雨丁巳冬至前一日

飛絲斜整那辨得鎧暈明滅將催吟誤人瑟瑟夜深語  
灑紙寥寥不住心階上落葉色難潤夢中江山氣未沈  
畫家南宗取摩詰閣筆三更寒雨音

歲寒翼菴兄過水堂夜話其明日雞一鳴對飯  
下艇子去

殘雪在瓦歷落白冷照夾煙鬢鬢黃五年無多顏髮變  
百世極短心事長排闥難起西荒臥著書待看雙澗香  
茶寒墨淡影搖壁箸筴含胡吟送章

戊午元日得句

蒙茸壞衲枯柴鉢隨例經行爆竹天未謝花銜垂曉燭  
新糊窗祕煖身煙

棟花

廿四番風底自韜過時獨立類名逃道衣黯黯飄揚好  
古錦昏昏色樣高

淺紫濃青未寂寥村村花柳夢春遙禁蠶天氣游蹤少  
燕子銜茸過板橋

前題自和

似枯似榮慘華木乍暗乍明鬢鬢天欲知春風未後句  
不定沈姿著雨妍

碎擣瑪瑙散花手錯認丁香隔水閒相當慘紫夕陽影

只有屋角洞庭山

田園雜興用喜曾韻二首

望雨占晴準信潮射堂聲雜社歌嘈看飛雲朵低含溼  
似畫梅梢墨半焦花譜題窗行纈密農書教子句清寥  
采茶時過分秧近蛙鼓還將永晝銷

湖頭龍挂響春潮野館齊東語共嘈遜國瑱言提燕子  
汴梁花識憶芭蕉一蓑西塞漁家並九點齊州夢史寥  
料簡粘書舊蠶箔成仙脈望影曾銷

始游菁山常照寺看秋遂坐昭回閣有感詩用  
其韻

擺落煙雲匹素開曉山高下一莓苔昭回欲拭冬青淚

飛白誰拈聖帚煤綠樹催教春色盡枯筇扶著病僧來  
如錐其指峰頭影更話當年拔地雷

餘素許移諸藥

飛雲不依人託與草木語風條吐清氣孤鳴若相許折  
爲藥一籬雁字摹秋序垂花瑣亦珍結實清中咀點書  
倚決明芎苗驅鬱暑盆間小牡丹文囊蹙吳紵灌園樂  
有助移藥通前渚明朝雨色微肩鋤門候汝

分龍日雨

煙裏谿楊暗幾重怕雷舊諺聽村農吳江記得中秋泊  
細雨鎧光溼紙龍

億十年前  
雨中事

月黑

月黑只聞新浪生  
蜻蜓打窗落葉聲  
漁乘殘雨放歌遠  
鼠狎微鐙作氣行

寶雲詩集卷四

寶雲詩集卷五

夕香編

漏霜南潛著

戊午六月尾理船子舊緣遂東行數日後留宿  
霜樵夕香

歸老舊吳初意爾夕香草色況秋澄松投遠韻窗西角  
山獻微青外一層未改家風船像屋相當鄰舍橐如僧  
竹籬縛要遮殘暑憑仗樵童對結繩

紫石山名佳足戀莫將爲硯只爲牆從除尺牘身容散  
放入漁樵心自涼花取雞冠曉不得草珍鳳尾暗中藏  
濤聲切屋疏松裏誰道江湖老便忘

詠秋葵葉



分煙擘霧綠槎牙點綴吟秋野老家疑是千年華表上  
令威疏爪漬苔花

急雨在雲口小軒得句云雨來橫引蓑衣蓋因  
名其軒曰蓑衣蓋

雨來橫引蓑衣蓋居陸居舟壹任猜莫問老翁魚賣否  
投竿兀坐數年來

老茶

老茶葉苦硬嚼如味沙石不中人采錄榛荆與深匿老  
人無蒨韻老茶無秀色少年嫌老茶還合老人得得之  
充夜煎涼雨鳴未息創體老茶詩清嗜聊爲式

畚樵

畚記其名雲口鄰樵來以  
行者自命近老而耳環

樵家愛兒癖穿耳帶環偏吳中不盡爾山灣風獨然春  
樵問古字埽花泥佛前自擬伽藍民髻學荒古年喚之  
了不應偷鐙鬬一編

青迴裏江鴻骨來入堯封靈壽塢

壞衲一囊骨獨行殘日黃當時團坐聽堯嶺半松岡乍  
見詎容默吞聲自不揚丁寧續鐙炷管得老懷傷

椒菴兄住古堯峰椒兄爲吳匏菴先生後人

延陵舊譜何須續都向堯峰託遠蹤

峰頂舊有匏菴先生像及遺墨卷子

在康樂有孫華法社平原遺墨祕孤峰還將最勝沾霜  
帚苦撼湘雲醒夜鐘等我五湖船子就試聽漁唱一攜

筇

寒日青迴至蓑衣蓋出江上周研農詩細楷自  
署時年七十有九漏霜與相去二十年隔二百  
里山水慨然燭下復展硯農投贈扇頭之作因  
和其韻

擬看澄江墜葉天敲門竹裏學前賢船窗各面濤花紫  
釣綫同垂笠影圓話都拈詩本事蒼崖偏作畫因緣  
浦城相倚宗風在無論雄文祗大年

充庭草木侍無人泊宅蘇臺緩問津法句喜看心似水  
讀書幾個眼無塵秋山隔面千迴妬短幅馳聲一倍親  
恰好天台信同至新詩霞起赤城春

兜率四詠

江上

秋山絕世姿寂寞依鐘磬一棧瀟湘煙涼綠標新證仙女

夜靜一潭星飛光亂苔點愛此青陂陀小立歌聲閃珉

難拈雜樹名但記水清淺雲山潑墨中繞屋谿聲轉玉隄

吟苦冬青詩夢蹋西臺雪青雪耀青林空青人鳥絕冬青谿

蓑衣蓋雜詩

閒殺萬年冰臺山清夢斷雪灑水扉開束素松鍼短幻祖

昔隱萬年冰也

我思巢居子讀書長夜醒安得雁聲中看雲對匏鼎懷端

明老

西風夜躑躅吹得嶺月枯月枯松影瘦鬪湊歲寒圖

寓紫

石累月未能  
詣澗上人家

軒中合三影殘卷青松我鳥鳴樵市歸一粒寒鑪火

松影

軒獨坐

踟躕無路山一步一步惜相次樵聲來應知過橋迹

曉過

澗橋看對  
嶺雪樹

炙背卷乍拋寒日色黃淡老眼花自生枯木那須參

屋角

轉殘

我有船子伴生長共蘋洲鐵蓮花萬尺惜字滿船頭

上若

石樹兄近寄文  
字舍利塔樣

兀坐紙窗中竹影代說法此二上人者未許諸方插月  
坐

殘書亂籤疊故人夢中失尋著殘書看故人呼不出夢  
山堂主人明日創  
紙中得舊所寄詩

行行上山頂山頂揀諸山又移名自定跨澗屋三間將  
茅別嶺名其  
屋日又移

### 橘皮湯

微苦悟深嗜歲寒應共嘗囊藏喜中脫皮相亦無雙同  
調茶經候留身剝後香楚詞停注筆把盞一天霜

與吳旣閒別十二年寒食後在補船村得竟陵

信慨然

孤雲未改散隨散野渡方營船子船春風吹我竟陵夢  
飛墮故人山水邊好山上心安足道故人不見令人老  
論詩當日搜南宋入道同心續僧寶楊大年張子韶濟  
水英雄未寂寥宗門文獻要商略心期一鼓秋江橈鼓  
橈先泊廬山腳老得廬山碑字摸一補山緣一見君樂  
府重題竟陵樂

谿上與秋遂話

最是青山習未消尙餘知我郭西樵柳絲打水花鳧散  
入眼還思沈店橋

紙藥

閒居廣見聞亦遺紆鬱舒紀子述紙藥得之游覽餘常  
山紙工手擘竹絲縷如杵臼發清霜騰變秋水渠幅幅  
飛素雲臨風愁未疏紙病在離合藥使膠液除其樹若  
青桐密理中含虛玉膏以爲潤清風以爲梳深惟藥質  
妙渴筆聊一書

治平寺異丐

樵堂坐夕涼述異酌松吹言有異乞兒春過活平寺織  
竹像笊簪肩擔宛游戲頗類骨董箱零星文史備一頭  
著肴核具體藏茶器僧房乞晨粥樵唱聲無次宵眠金  
剛腳青氍布其地問是誰氏子不應兀如醉

晤昭法會昭法生日昭法以爲相見一奇



湖上閉雙扉靈巖青在眼吾不來七年樵道登如棧入  
門問憂患往返覆書柬一聲呼先師淚下不可緝人間  
忽師法雲煙蕩無限以君金石心一令浮薄報吳中諸  
高賢凋落去如鏟如翻舊本書一板復一板君言此故  
爾板去尤苦揀揀去必至要崩崖定誰捍紅葵射白髮  
湯餅花爲饌飯畢始語我快事聊一莞今日會生辰相  
逢同茗盞盤中備星祝移供非以簡

募船

從今煙槳老能依到處家山不計歸隔面綠窗憑柳綫  
蓋頭青瓦是蓑衣難瞞祇許鷺鷥眼劃破那愁風雨圍  
攬撥華亭舊綠畢一聲欸乃冷雲飛

佛手柑

參差風露帶南州膠柱空將雪嶺籌  
豎指直教親見月展開知道不藏鉤  
人天免得花枝惑正倒安容一倍愁  
清絕豈須重入袖寒香擘散草堂秋

聞靈璧樵有十二月讀書樂詩寄短歌

老沙擦船挂苔髮菱葉遮魚鱗不沒忘  
在苔谿路裏行矮山叢樹湘江窟歲已未  
秋七月尾停篙鷓鴣橋口歇聞樵創詠  
讀書樂樂意編排十二月老僧樹下送年  
華思如涸井文彩竭古人正要汝曹敵  
好題入耳知風骨單疑所讀急何書決  
斷邪正休飄忽

見玉禾近詩

提餅往昔侍煙江結習留心老未降愛照磯頭垂釣影  
驚浮水面讀書窗他時深柳舟同坐試聽秋濤石自撞  
從古文章偶諸貴蘆花吹點舊漁缸

草有名萬年青者歎之

五百年周策幾探無情有恨染青嵐定知傳道非韓愈  
曾記當年哭老聃花藥凋殘看似夢長生悠忽不妨貪  
年年照眼楓天赤冷骨終逃埽葉籃

草決明

聲高籬落綴青珠領得披雲肘後符但喜徑山留正眼  
不將橫浦惜雙趺樓臺面面新棋局花柳村村古畫圖  
拈起分明翦秋水并刀揣量費工夫

雞冠花

鹿眼籬邊夕照中  
思量品目舊非公  
相同怪石一分皴  
色借仙禽到頂紅  
椎結無心隨木筆  
軍裝何意學從戎  
從今喚作蓮房冷  
耐住東林秋澗東

春雪時在紫石同  
超霜樵曉出嶺口  
振樹雪飛  
景絕奇也八月寓水村追陳其事

數道冷煙瀉松風  
吹倒飛光扶山影  
動舞合柳花圍蹕  
曉先樵跡衝寒重  
衲衣石灣清夢遠  
畫手近來稀

雨後靈壁樵來得  
準生和短歌復用韻

洗出吳山青一髮  
浩蕩新看白鷗沒  
老鐵花荒與月荒  
我有雨荒翻舊窟  
畫心在墨不到處  
雲林去後清響歇

空澹論詩知苦希繁星在天孤者月吟牋把讀夜忘深  
側盞秋鐙膏盡竭江南詩苑空不得相期翠削秋山骨  
老安襪綫眞難拆軒翥長風歎超忽

農山過水堂出和靈璧樵詩復用其韻

如抽架書得晞髮射月玉光青未沒賦家心腸裹天地  
蹙鳳蟠蛟繡詩痛漢鏡歌發狡獪事投筆吳山話銷歇  
坐中重唱鷓鴣聲渺渺去鴻驚歲月雁門市與古新豐  
神匠經營空力竭文章元氣塵譚中墨花玲瓏響山骨  
黃鍾秦火燒不得世人何知算杪忽

用韻寄喜曾論詩

草書鬧傳顛捉髮絕藝從來蹤跡沒覓句須通詩畫關

五言城在元無窟一往流行偏欲澀當其飛揚常似歇  
色老香清天地空洗眼江南秋九月臨摹滿紙唐宋塵  
祇爲英華難一竭著書手出讀書眼悟來自具煙霞骨  
言如枯柴聊舉贈老織蒲鞋慣荒忽

詠綫香

肯留色相到人評點注微紅伴佛聲眞見貫花通妙理  
本來西竺是經名梵語修多羅本消融閉目雲生後管  
領敲詩夜半程始悟返魂元俗調眾香絲縷總無生

示心受讀書堂

蔣蓮店口哦詩句聽難今良獨楊誠齋蔣蓮店見柳子厚詩句也碧落巖前刻  
到難羅浮碧落洞宋周夔一字不煩人定價閉門辛苦

自吟安

山髻乍更晴雨影樹頭漸變淺深青寄來莫作境話會  
要洗一雙詩眼醒

紅蓼

狎獵柔姿擺晚晴碎紅著雨照江清西風誇煞秋灘色  
不道峨眉更淺青

峨眉山有淺青色蓼花

蘭草

古蘭也世稱醒頭草

名任千年沒香猶昔日如染將蘭葉片寫本楚臣書烈  
覺秋氣勝蒼分嶺色餘畫圖花瓣脆別調不關渠

前題自和

蘭花與蘭草種別不相如所以端古學亦先分僞書話

行采藥地香綏讀騷餘帶屋水如鏡安名好借渠

染香詞

染紙蘭葉水也紙名蘭葉

千年風騷浩無主草□□□訛世譜古香魂冷招來歸  
屈宋何曾在黃土爲君分明識香祖綠煙曉蕩荅花雨  
香心付與剡谿藤染香手澀其心苦

喜曾靈珏書田玉禾懷西過雁影各出新詠久  
不見懷西懷西和詩有香骨二句歎述儀部先  
生諫草感懷作長歌寄靈璧樵

儀部先生心似鐵

先伯父伯念先生批麟之日在儀部

青宮一疏臣之職

當年批荅中有

麟批案倒小年聞一時江左冰霜色東

出位之辭故云都諸賢生不媿范滂傳寫烏絲勒右軍筆法比干心斷



素殘碑飛寶墨水堂枯葉走廊鳴懷西詩版吟不得髮  
字重拈叶香骨十四字將忠孝織少年懷抱深如許冷  
峭勢與秋崖逼天寶詩王詩史在一飯不忘真句則把  
看老淚滴難收留待梅林家集出農山雄文玉禾秀璧  
合珠聯根祖德學道空緣三十年□□□頭重鯁塞一  
從賜馬西清直乾坤嶽瀆聲名特梅谿築室舊時心昨  
到芝房轉傷臆我雖野心學船子六經宗傳望雲翼眼  
中諸人盛文史況扶名教流忠惻詩苑功推先借菴易  
圖愁亡曾拂拭世間父子兩憂勤出世硯山同惴惴如  
絲心事秋風中村角惟有青桐識璧珥同門號二靈謂  
未子姪弟兄才不測王謝風華吾家是珠玉一時真在

側他年儻詩易永吾之志宗傳各得其人畢願江河長  
一賦

舊年秋遂爲營隱菁山遇病不果行近復約游  
金蓋會余觸殘暑入吳山秋遂來船村相失惘  
然

幾番煙水紫苔上悶把圖經掩不看金蓋書巢傳姓古  
昭回墨雨隔年寒可無雙影艇將去放過千山樹色丹  
孤跡此時眞野鶴詩成正立棟花灘

還農山文稿野言重寄

祇許王通得指南秦灰前把六經探洗磨聖學煩公等  
觸忤賢良勸力參橫浦鬚眉今日在東軒游戲不妨擔

清涼山有遺臺趾周穆年來布法函

谿口月

碧螺照得洞庭清風卷衰楊切二更寒月未知時尙別  
繞谿隨著老僧行

得秋遂山信寄小雪前一夕宿金蓋山一律同  
其韻

閒中游計作波瀾蹋試山山翠浪乾衣染霜天分雁色  
崖垂紅樹當花看舊吳塔遠嘯孤影新夢蒼青聞曉寒  
七十二峰生曉寒余往古堯峰夢  
符也憶先師塔并及此一段緣  
七十二峰隨眼得爲  
君倚閣數迴巒

埽地歌題漏霜苔帚圖

孤游只共茗帚行得地不算煙水程埽泊一片受足地  
罷遣亂葉紛縱橫百無所能昔鑄印老充炙背蹲南榮  
寺廊供職職自補帚輕臂緩猶堪擎煩將迂嬾訴主者  
乞假寸晷聽黃鶯

寄華山僧兄乞題埽地圖

西余北面更深迂山寺長廊職埽除以我同行茗上坐  
近畫漏霜須兄獨脫頰中書浮青冷塔荒荒日疊素迴  
茗帚影子潭尾尾魚麤把谿山寫來看船窗春晤再鋪舒

霜曉從昭回閣周行院中

莫以收藏無畫軸現成妙繪可評量欄干暈蘚獅兒小  
亭柱泥金龍爪長南宋御賜黃金觀音亭座尚存霜樓乍異日西躍樹

影綏留雲半廊待刻香公常照筆天申舊夢墨生香  
在子曾作常照寺志

隨筆

半幅廚煙度閣西鋪庭脫葉埽教齊瓦溝一寸雪耐日  
山鳥無聲松鼠嘯

去看等伴崖頭雪喚著同行壁角筇穿過深松碑額在  
青藤織面字無蹤

話吳中隨先師秋游天池山事

年年脫葉天池路度嶺雙輿指舊蹤佛閣風搖泥像缺  
先師垂淚杵殘鐘

密雪中

過經案冷驅烏散摸字碑昏紙燭擎獨兒也學尋游戲  
街著僧鞋繞殿行

歲寒寄秋遂

橙菴舊事菁山說苦惜建炎文字殘昏碑已著苔泉洗  
白晝重拈紙燭看親筆廚中零數葉愁心歲晚集千端  
飄飄埽葉龍鐘老淡日高窗冷寄單

庚申正月從菁山艇子抵蘇臺在夕香五日後  
同超霜樵出至小赤壁

興亡去已遠山水儼當時所以浪游跡往往生古悲風  
塵建炎帝史筆事半遺天申碑石冷手摸夜讀之蛛絲  
啟南宋想見深松枝閣新題額古亦慨陽春楮

寺以范  
氏陽春

樓材爲浪蹟穿軋村車聲浩難追自來姑蘇臺五日臥  
昭回閣荆籬今朝風日好石面行一窺谿名指越來花園暗吳  
姿五湖青靄鬱何處有鴟夷吳臺與茗寺同是愁吟資  
危壁照沈綠衰周無字碑歎惜行復坐夕陽射人眉顧  
名小赤壁提著坡仙詞江濤飛鶴影感古若相期去矣  
勿復恨歸聽林風吹

方泉

寶雲幸逃陸羽品不放名第留茶經方泉清闕寶雲腳  
寒規色借春崖青以方爲氏受菴記苔礎長臥泉終醒  
擔泉穿松拾松子歸洗茗甌吟紙櫺

道堂粥

一日富春  
觀小兒語

道堂粥兒行前呼聲帶哭孃莫提攜兒行自足泥滑滑  
穿木瀆木瀆街長新霰霏爹老單衣空曉腹孃往扶行  
先打粥道堂粥短拍音低長拍促小兒語譜吳荒曲

將返紫石寄秋遂語以近事

聞道桐江老曾翻鄭俠圖粥場山觀沓漁路竈煙無繪  
事乏此技流民景未殊寫來歎吳地臺儻訪姑蘇

聞帷孺集朝元閣詩

頃從輒村渡難訪石船詩況託菁山寺猶關南宋遺梅  
根樵話遠祖德卷中持小變竹林法譚容阮籍緇

石枰堂詩

拔身眾柔條森然金石氣丹翠射絕壁古光動人畏昔



賢重歲寒園池以爲貴今人驚薤露墓樹傳相諱疾馳  
天地間寒暑如經緯不朽不自輟顛倒疑青蔚  
茅堂舊未名壁圻露阡陌有時屋漏痕瀾浪顏素畫堂  
前羅百藥其左安方冊草名亦療饑米囊或罌麥高窗  
納清雨梅鱗蕩餘白肩鋤停茗火徙樹樵人宅枏枝不  
媚媚枏葉青鳳翮雷同免欣賞亦謝風塵責

遠夢激游心武夷九其曲往尋名山圖紅崖錯奇綠一  
從煩藥杵間杖清游束溼雲截樹腰橫翠遙相屬西軒  
久假之枏翠矜新沃霽上屋後山游目庭中足石枏左  
右株落落立如鵠高文發霜采秋志與相勛

菜乾

淺青色退帶冰霜冠冕山家俎豆行作伴白頭枯一樣  
論量黃葉味偏長飄搖恰對雲過嶺縹緲看同石滿廊  
相許肝腸舊無別莫輕擔入少年場

和華山碓兄斷關詩三十韻

一規鑿牖綠陰東檻外隨他徑滿蓬百鳥無門花不到  
長天有路雁能通畫來芒屨穿峨雪夢去漁船蕩蒲風  
文字舊緣新解脫遮回放眼竹窗中

霜晴翠繞賴千峰更著谿雲疊幾重但遣宗風傳鐵壁  
不煩僧史記浮蹤紙灰插脚埋還淺門縫挨身投恨鬆  
山月四更蛩叫絕孤吟未似老僧慵

做得雲棲兩竹窗十年煙路冷湘江涼心珠定供銷夏

破俗城高築受降飛練丹青傳數疊轉丸烏兔跳成雙  
壓枝幽鳥通清梵絕唱分明在樂邦

茅把孤峰舊所須婆娑枯樹庾家知遊山記在如拈夢  
選佛圖空漫鑲脂石馬嘶風無去跡珊瑚撐月有新枝  
擅場遠要看前輩丹壘心慚俗手施

關名莫擬是耶非靠壁孤筇巾蘚衣客到聽疑身是病  
雲來如拔宅能飛連山誰辨偏和正半面憑傳瘠與肥  
鹿自飲潭陂守爨隔垣松影況相依

記得林逋灑墨餘橋橫獨木結荒廬山家樂是終身默  
座右箴留一字虛釘鐵櫪來無敵手織蒲鞋號是新除  
雖然片地差諳埽墜葉空廊任卷舒

帶屋谿名合是愚臨流擬種樸三株逍遙依舊思黃犢  
隆替無心算赤烏笨鈍石頭聊與對惺鬆鳥語自名呼  
何人蘸筆能描得閉戶瀟湘一釣徒

句路清真味子西山同太古靜堪棲歲稔壽夏垂高樹  
郭索青筠響夜隄隔水空濛深見鹿茅茨隱現不聞雞  
擘窠重釘關前額儻把無門兩字題

鋪設茅堂野計諸天真骨董雁行排竹根苔殘癯同我  
荷葉秋衣古有儕免洗是非珍石耳不沾粉黛喜松釵  
白雲巧會人心事慣把雙扉取次埋

柳樛千峰信快哉穿雲那許首重回拓開今古提蕉夢  
指點風塵託雉媒洗硯墨看崖面灑卷簾詩賺雨絲催

布中火浣同微志顛倒紅鑪不肯灰

千巖萬壑敢言貧丹翠長圍老後身石竇種深煨芋火  
秋江收起釣車輪放懷不惜蒲團小留面休慚缺齒人  
松檜東天青一線打開孤調奏陽春

悠悠竿牘斷知聞自分身將草木羣曉月風高鳴去鶴  
碧天飛倦看歸雲鱗皴松皴手同相瑣碎苔絲衲不分  
誰取北山鰲鶴怪未妨法苑補移文

江流浩浩指東奔競刻行舟覓劍痕把得一闢言路絕  
教他面壁祖風存牀顏依樣鋪珠雪市遠何勞造雁門  
葉滿千山休拾級未磨古鏡不曾昏

破煙幽磬一聲寒乍引行人樹杪看一等住持贏得散

古來公案幾曾完雲巒如帶憑遮護草木無言亦寓權  
總道關門天塹樣都忘嚮被口門謾

禪林浪話白雲關未到渾移海外山矮矮鐙窗無曲折  
蕭蕭瓶鉢例安閒秋聲且放喧中夜冷月還教住半閒  
篋裏藤牋行腳影垂霜不是舊時顏

肯羨詩名壓皎然高文無意石門禪養成格外煙霞疾  
自結園中草木緣硯蓋拾來松小蛻蔬盤揀淨蕨如拳  
坡公海角先同調異味丁寧莫浪傳

有時合眼夢金焦文勝江南逐段超久久剎竿非我分  
休休車騎免相邀難鐫舊習還留茗乍改新衙只署樵  
四壁何須子雲墨一齋蕭甚也名蕭

須知得髓骨應敲判與風松月澗交整頓名山歸靜穆  
典刑文字戒輕嘲馴將龍性雲中臥放出鸞聲樹裏巢  
百事懶兼忘畫癖惠崇煙雨老來拋

茱籬飛蝶雜蓬蒿不種繁花亦復聊老木蟲文全段古  
奇雲峰朵倍能高霜天瓜盡呼除架月下經完手自韜  
瑣事眼前誰不了出硯何必解牛刀

永日無人竹裏過倦將談旨鬪王何歲寒對照留峰雪  
舊夢飛揚蹋徑莎喚醒屠龍無用技消磨老驥壯心歌  
蜀天縹渺蘭舟息峽裏春濤賺木鵝

恰似歸來陶令家喧無車馬長桑麻一茅容膝謀全拙  
半夜當胸手正叉戰國規模禪鬪草宗風割據土分瓜

從來獨脫真豪傑不在朱門劍佩華

拆來襪線舊無長堯舜巢由一例忙鼓瑟那容攬社笛  
煎茶不合擣餘薑梧丸滿掬真收藥山色朝餐未絕糧  
隨地斷關同幻住乾坤何處是他鄉

驪珠兩目翦波清枉殺三千布佛名勒破獲麟宗瑞定  
慚將山鬼隙光爭若教煮石腸同冷縱是移山志不更  
省得夜深吹暗去貧無紙燭手中明

就架閒抽相鶴經清羸物外合通靈鷲閑書法飛能白  
竹學神仙骨自青柳外祇容蟬咽露人間難覓鳳遺翎  
鬢髮百孔遮寒衲尋片閒雲作補丁

萬木號風著個僧得人欣賞不如憎只看鳥路難容跡



定遣雞棲自伏膺谷口樹攢青地錦秋空雲碎一天冰  
山門舊日閒名字錯聽人呼嬾便應

伎倆狐靈儘足羞肯將記筆續神搜崢嶸雨陣空行蟻  
浩蕩江波看沒鷗漁唱元推船子放鬼才未取賀詩幽  
堂堂古道無亭障關吏從來枉釣鉤

狎獵詞華織語林錯教人認汞成金不辭石角營天險  
忍使南宗便陸沈老樹折成三疊篆輕煙鋪作一重衾  
閒來世事通樵問穩放安禪是好音

不妨掩戶種宜男多子仍將古塔參活計兒孫端在望  
出門祖父更何堪庭中樹大陰初覆腳下駒騰陣正酣  
聞道下方新月旦未廉猶說看山貪

畫筆猶然忌俗甜置身高嶺稱修織一堂晴雪天真麗  
千仞飛綃氣象嚴日晚饑禽諸憂金歲寒炙硯有南檐  
偶時漏出梅花句未肯重拈韻腳添

題門不怕字成凡流水高山任警讒五月松風孤喝價  
廿年天上共危巖鑿開荒路人應卻郵到詩筒切要緘  
六十清吟雙白髮放閒貝葉兩三函

題紀大韶插田圖

吾見松雪畫孤村水繞之橫靄縷眾色牧犢影如錐又  
五代人筆植杖柴桑湄晴籬晚花亞盈疇青蒨姿一從  
畫廚空歷歷記未遺舊年戲唱和田園雜興詩新情懸  
舊墨駘宕谿山思昨點石湖集觸類意合離欣賞四時

絕初夏尤心期眼明見此軸插田聊折枝遂若語所夢  
亦如脫古碑雞犬互煙落乍斷新雨絲天上與雲中仙  
路會有時際此風日佳情話樂所知

水村寄靈璧樵兼示旨徑牧旨勝舫

谿堂猶寓在牆缺狎煙鳧曬藥避桐影了經開藥鑪山  
居卜草蕩易學背新圖近筆饒同韻無令此調孤  
要創寒樓體先登汝弟兄并銷書卷氣創合松杉聲路  
斷飛心遠煙空古緣生不能參味外點首莫嫌橫

朱藤花詞

百花低垂山影轉樹頭樹底殷紅撚溶溶谿水蕩絲寒  
澹澹日光烘色淺松窗走蠹餘粉黃鶯聲喚緊山日長

彌明石鼎詩未和一箸紅冰透齒涼

染衣

受采先教白一回臨流澹澹著松煤商量家法拈黃檗  
照樣山門色死灰

華藏卑兄和尚七十時新受會稽鮑仁請

聞當治水成功地重展南宗老將韜七十今年東晉帖

三千結實古賢褒

蟠桃實語見山谷帖

同聲吳越穿雲翼

全力滹沱急水篙雁蕩未忘游癖在相期秋訪趁看濤

天台滌菴法姪初夏來蘇臺樹下述在鑪峰所

見

樵裝閃爍茯苓槍鴉背隨行藥氣香騎屋王孫孤叫月

偷梨子路一身霜

珍禽異草逐時更入耳松風古調成最是幽蘭如白雪  
采來樂府好題名

題石湖泛宅緣起後

經營住石湖篋屋居非陸緩漿蓼花秋安須飽帆腹吾  
祖幻住翁煙蓑漁唱熟華亭旣獻章祖德江湖族水窗  
鑪氣浮未暇看山目單持晉書去曠跡閒來讀

屐亦未可擲秋崖登有時杖亦未可折高松量試之吳  
山足秀雲飛成鸞鶴姿煙波縱奇眺遠心人外馳少年  
嗜夢游游夢到武夷山水采相發清輝非易知

五月九日將舟居能仁卑兄過話別後愴然賦

寄更約率兄篷底煮茗一破涕耳

垂老聯牀話恐稀同舟來看雨絲飛  
剡竿不害添帆葉客座從今借柳磯  
一等住持偏浪跡長途勸勉各沾衣  
越中去與知交說白髮谿山錦繡圍

往來石湖十日未理吟事

石湖平遠舊風姿孤負煙波媿住持  
筋力猶堪閒去棹江山難助老來詩  
高低壓嶺羣松溼明滅堆雲一塔危  
小撥船頭向濃綠柳陰層處湊黃鸝

硯石村口待碓菴兄竹輿

風蘆碧乍翻水燕飛雙側琴臺切  
圖書壓船山翠色白頭離合緣往事  
思不得籠塔雨昏昏猶疑舊煙墨

絕代石湖詩清空石湖境昨行詣荒祠摩挲碑石冷阜陵寶墨飛透水雙虹耿誰能爲喚起湖中古人影

石湖不可作懷古聊及之好事秉騶律一將寒谷吹滔滔營目前豪傑天表窺寄聲遠遊人拂拭一段奇

歇東虹橋與雪菴狀兄水窗簡舊畫冊

渴虹飲澄谿涼雨愛深靚高林覆漁路得閒塵自屏平生棄阡陌縱若秋煙遊非格外置之孤情誰得鏡抱軸入船扉來論書畫病遣墨觀所持遠俗貴蒼硬藥園逸史詩老氣見先正思古吳耆舊鬚眉懍姚孟要他千古看詞翰非獨聖

寶雲石縫茶

寶雲并並茶名著石縫尤清摘製難消磨塵土含煙翠  
領略泉聲鍊骨寒

松鍼

日華金碧散松枝攢簇鍼芒瑣碎垂縫成荷襖相當我  
繡出苔花莫是伊幽鳥翮飛投鉢勢好風吹少乍停時  
何曾柳綫攀緣得鐵骨冰心自一奇

作書寄湖上秋遂及得靈珏未報知秋遂已逝  
二十日矣

橙菴棄我那堪學嶺月圓時惡信來豈知袖裏三年字  
倒作愁腸九轉迴浪擬菁山碑共打從今朔路眼難開  
江屏未忍申函讀要約天眉一慟哀



陽山大慈補兄集靈山一會垂成短歌志喜

赤縣名山大者五五嶽眞形圖是古華山不學日觀峰  
恆北嵩中各撐柱浮湘闕到南嶽來莫大于衡親驗取  
天台匡廬嶽外奇使天地間清氣吐大江南北萬山奔  
競秀爭高能細數浪拈三字將無同起鳳騰蛟互飛舞  
靈山一會展秋窗老淚雙垂山月午竹風悉索紙葉乾  
併作新涼埽塵土吾因把袖話名山話山話錄符銅虎  
明朝高躡陽山雲重提堯峰山話補

借槐

時寓西洞  
庭東澗寺

高槐色偃蹇浪拔雲臂身青森落涼影亦與人意親吾  
來旅上方霜葉踐蕭辰山扉夕不掩入戶蒼嶙峋天王

塵埃中織墮琵琶淪古殿儉風制石齒高下陳北風吹  
盡力圍樹巖中春已過槐葉密撫榦比交新晴窗駭樵  
斧老耳聆未真廢書詣一問入手危爲薪驚音不暇擇  
代乞容討論種樹惜往日蔭樹思後人願爲後人乞得  
意儻無嗔

聞橘香同兄和尚將過上方寒香堂見存

丹砂翡翠古鼎斑青地錦製橘柚山冬遊未闕橘香葉  
舊事提起梅花頑梅花深情人亦爾推與梅花全作主  
放閒二老傲冰霜浩蕩湖山客誰是爲看梅花到隱廬  
入手長歌數卷舒曉堂吹硯渴新句定寫寒香清話餘  
爲看梅花到華門同  
兄五年前贈詩之句

資慶寺

遊資慶者五乃始定山評得路似入峽漸接樵唱聲蒼  
蒼兩崖繡照衣霜葉明年疑前嶺逼隱日易西傾疏松  
疊遠翠不放遊目行晚悟山寺妙要得曠與情洞庭有  
其曠坐受湖山橫資慶專其奧合與常調更譬如品翰  
墨動靜意各生隸法鍾繇扁未可格黃庭

玉磬引爲王處士作

琳瑯小品雲韶部減樣沈明爲樂主綠雲不返蒼梧愁  
折枝輕玉皆黃土竹軒清耳鳴江南南華湘榻冷韻參  
暗香敲出梅花句鄭重茶煙翠一潭

李建勳四友軒嶧陽泗濱心友夢友

謂琴磬南華湘竹榻也

心期泛宅重返西山歲寒至舊所寓池上

風吹縹緲作高帆稱與船師穩舊街換得石湖煙浪濤  
借他觀水釣磯巉篁深不惜漁竿盡嶺曠欣將惡竹芟  
落日挑書擔重歇笑人幽鳥語喃喃

立春日貞遐冒雨晚至

巖風墮餘雪吹活擁堂雲危嶺不易度清言此夜聞山  
容絲雨沐茗氣篆香分不信長林杳來參麋鹿羣

壬戌元日曉至觀水坪已展石門詩有追和帛  
道猷一首因用其韻

輕煙漏寒日斜光射遙津高坪議樵築商略補青榛蜿  
蜒帶之徑通鳥不通人支牀富拳石淪茗墜乾薪偶然

削山牘一爲寄遺民

將遊石公雨留萬涵樓

儘把煙雲遠勢收萬涵題額信能酌尋花曲折湖三面  
看畫因緣雨一樓先哲從頭微墨迹野心依舊託漁舟  
春山作意藏佳麗要遣新縫釣笠游

同江上青迴諸子看花石公歸重至天王寺宿  
聯雲嶂遠波聲小歸路樵稀石齒閒叢樹乍遮前宿寺  
冷煙又補一重山番番花信峰姿換黯黯詩懷客夢還  
泉勘葛洪丹井味梅谿舊隄憶躋攀

往同秋岸青迴兼樹住石屏葛鴻

新安嶺尾

歸來又是落梅候蹢蹢新安石磴高隔嶺杏花翻白雪

近湖楓葉借櫻桃參差鱗瓦雙煙市隱約歌聲一遠舸  
翦得瀟湘舊圖色幾人賦筆擬離騷

蓮花嶺

一簇花村真鬢鬢嶺名思借舊遊傳

堯峰有鬢鬢嶺

殘山斷渚

幾重色淺絳微青都是煙坐久樹腰分午霽話深帆葉  
轉遙天眼前對勘參寥景燕尾魚鱗句自圓

參寥遊道場山詩兩

槩差差搖燕尾干山漠漠散魚鱗

聞立來西山錄其師寒谿詩成返江上臨行出  
紙乞書

裝成遺語蹋花去拂紙贈言無可陳不是橫斜學風雨  
昏花老眼寫難真

舊臘定名東湖左嶺泉曰平遠泓也

上方新泓足瓢飲只少高松鳴石灘定名平遠餘冬日  
管領煙湖一面寒取他清淺照霜髮立待風林停素瀾  
記撥輪囷見泉脈遙天雁落冷霞殘

題谿亭小幅

瀉水聲中孤笑好飄蕭巾樣學雲裁虛亭對設兩人坐  
明日評茶野客來

寄序香兄序兄政六十

笑指晴湖綠嶂中眉山不用讓坡翁早船亦羨同垂釣  
墨沼還思舊戲鴻序兄菴名眉山菴有屋爲早  
船雲間董太史舊游地也硯石琴  
閒天上譜武陵花開故鄉叢洞庭再轉尋秋柁杖履期

開繡嶺楓

詠灰

冷分上古山門色死得深巖道者心最是唐朝寒食夜  
天街雞羽託知音

茗語有雨留石柑堂詩用其韻

草書戲作枯樹法花重雲遲墨氣香悉索紙聲聞鬪韻  
一船絲雨記浮湘

三月從紫石過上沙澗上人家時超霜樵就醫  
隨行

柳已豐條草放茸白頭訪舊病樵從坐來澗上荒荒日  
吹到靈巖緩緩鐘醫訣也知從拙路

是日老醫言醫畫宜拙不宜巧



評自昔貴南宗無端飛動論文話除了知音幾個容

四月山堂雨中

香看吐氣壓簾後山自修容細雨中宣和書畫譜繇著  
花石閒愁到石公

晚晴

雨絲如翦篠風吹落日爭看嶺色奇青嶂與人同破睡  
白頭端合一題詩著書年晚忘才盡種樹心長託後知  
他日秋崖游笈冷西湖暮靄軸還齋

同字姪亦杉至飲馬池

萬馬羣空岸草涼楓林簇出塞天黃月明後夜驚鴻影  
點破吳王舊教場

絲泉

在皋峰寺南土人名絲池以潔絲

未許霜蛩作意探依然無一挂空潭吹來如綺松風度  
染出微青柳影涵肯遣素絲愁墨翟好名太白壯伽藍  
從來廉潔心難易況復清泉不誨貪

繡衣衲子歌爲青嶼居士壽

繡衣衲子頭如雪柳標千峰風調別松花荷葉話同聲  
北斗南辰機獨絕冷心分得堯時雲蹴蹋落紅承旨訣  
畫船憶逢霜柳濱石田枝指墨妙陳鐙前雨潑湘江色  
卷裏雲藏炭庫身不減平生飛動意重逢梁谿水邊寺  
西山爽氣朝倚樓看君揮毫落煙翠玉塵譚筵曠十年  
分鐙各地法句傳禪樂府題重爲續歲寒吟成繡衣曲

橄欖核

請看此日堅牢骨要識當年苦諫心世上齒牙誰管得  
嚼無滋味有知音

超霜樵有人影五言用其韻

何曾容刻劃面目任人看孤閣隨吟熟千峰竝立寒飛  
揚遊記表熨貼瘦筇安看竹敲門夜憑君作探竿

破屏風

難把盧仝句子鐫頓看黑漆冷光穿巫山畫在聊充數  
骨格存來更幾年遮眼方知嫌舊日護身從此付霜天  
無端提著梅谿路腸斷鷗波釣艇邊

石屏山在梅谿相從幾人半逝去

癸亥元日有感

遺民幾個識荆蠻

倪迂有荆蠻民印畫畫卽以名

前輩規摹是底閒

買紙拾將詩外話無人畫我夢中山夜來秉燭遊非誤

眼見敲空響不關

時樵童庭中作爆竹戲

五月松風行價在堅牢

最有舊時頑

### 將有陽山行

習氣依然舊散隨病來還嗜讀殘碑鄰多水眼遭逢幸

峰帶雲名著我宜

余所居多得名泉陽山之峰名長雲

束篋情懷謀掘藥

結繩手段試編籬算來仍到干將市鴉觜鋤頭買白齋

### 華山碓兄將至蓑衣蓋待之

不遣芒鞋浪此生研山提著舊心盟古人作證空編簡

海內求知祇父兄共坐可能留日住且停話到渡江行

寶言五  
芋頭煨熟鑪灰腳單等盤輿頓一聲

樵堂漫興

寒林是處響松濤誰把昭灘箭水篙語到吞聲相視默  
笑從破涕不妨高茶拈一味終尊淡畫品千秋切忌豪  
呈劍可能投路客暮年空有壯心勞

門口誰投鉢水鍼飛鴻渺渺託知音紙窗從破三冬眼  
孤燭難傾一寸心竹著曉風頭乍點石禁庭雪立來深  
連朝搜索圖經徧撐月珊瑚底處尋

寶雲詩集卷五